


醫

四

書



南京中医药大学
图书馆藏





遂傳述世業、多著書以自娛、其

尊人龍淵公與余素善、余承之

醫院日共事、內廷弗獲朝夕

締交、然而胸中着一龍淵久矣、

己卯春、余奉使西粵、便道歸

敝廬、培元負笈而來、獲接謦欬、



居數日請北面就弟子列余因
叩以醫術培元曰道尚純全學
賤偏駁小子束髮時即承庭訓
凡彭之攻跼之滌長桑君之方
緩之爲和之視豹之熨太倉公
之診何弗究也然而炎帝軒轅



尚已、余乃戲謂之曰、子將誰師、
曰、羲軒吾師也、使之登壇、余將

屬橐籥、退處偏裨焉、彭跼而下

當與鴈行、過此且奴隸之矣、余

聞其言、心竊異之、未之許也、然

而胸中則又着一培元矣、今年

秋培元所著書成、馳以示余、余
展讀數四、嘆曰、巫咸鴻術與儒
家雖殊、而大顯厥旨、如日中天、
則是編猶之四子書也、自高陽
脉訣不合經義、厚誣叔和、即王
常聞微論、譏其論表不及裏、然



北京中醫藥大學圖書館版權所有
1994

長數細短各增二脉、脉之變化
猶未盡於此診、翼出萬古不傳
之妙宣矣、列五臟詳六腑君臣
佐使逆從反正七方十劑別戶
分門起岐伯而嘗味不精於藥
準一書也、病機藥例風寒暑濕

痰火氣血備載諸方秘俾金匱
肘後非方紀耶至醫鏡上卷之
分諸症下卷之包傷寒痘疹外
科女科幼科取平生著述諸種
約而成歌以便人之記誦旨遂
而言簡名之曰鏡無異龍駒持



月有疾者炤之即愈矣、此四書
者余即白首窮經、其何能贅
辭以答培元之就正乎、後學者
挾此以行、將民無夭札之虞、而
世躋仁壽之域矣、於是始信培
元向者之言大而非誇、而龍淵




有子傳其家學爲可羨也敬序
之首簡岢

萬曆甲申菊月吉日直

聖濟殿事太醫院御醫樞李朱

儒書于元恩堂



醫書卷之五



東



此書係由本館...

...

...

...

醫四書跋

太史公作扁鵲倉公列傳、載其師長
桑君公乘陽慶授以禁方脉書藥論、
蓋醫必資書矣、乃唐許胤宗謂吾意
所解、口不能宣、著書無益、是說也、幾
欲舉涪水金匱之遺編而盡廢棄之、
豈貴汎濫乎、曾王父少保公年十三

得萬壽宮形解張鍊師復陽所貽方
書二冊志在濟人弱冠輒棄帖括精

良岐黃業入京師屬有大疫甦起無
算遂以醫顯仕至院使無何文恪公
作大魁司寇先君嗣成進士三公九
列自此權輿所云活千人子孫必封
良不爽也當少保公共事禁中

神宗特賜上厨珍饌殊邀宸眷名

聞遐邇一時學者多北面質疑許君

培元其翹楚也許君吳興人所著診

翼藥準方紀醫鏡號醫四書索隱鈞

深匪淺見可及且篇帙甚簡巨細畢


羅洵醫家之神丹是書之作嘗就正

少保公頗經筆削因爲弁言益其聲

價流行四友歷年浸多幾至堙沒丁酉歲余從友人處購得然有脫簡爲悵懷久之幸里中高水部寓公蓄書之富埒於四庫藏有善本長公念祖不靳通借迺獲補亡思少保公見垣鴻術所著述不存一二書不獨以一序爲玄晏寔出指授忍令墜缺乎

爰付剗劂氏以廣其傳仲氏藻水生
前嬰疾悉通方書猶子欽臣克家弓
治、讎定謬誤爲力不少云、

順治丁酉歲前守貴陽郡工部員外
郎奉 勅督理北河東山第一曾孫
朱茂時謹跋





南京中医药大学图书馆版权所有

此為試閱 需要完整PDF請訪問：www...